


سُنّا قاعدہ

رازول کوہستانی، رُتھ لیلیٰ شمت





Published by the Himalayan Jungle Project (hjp). Financed by the European Community

©1996 hjp and the authors

Preparation of this primer was partly financed by the British High Commission, Islamabad from their Small Project Scheme

بِسْمِ اللَّهِ الرَّحْمَنِ الرَّحِيمِ

سُنّا قاعده

رازول کوهستانی، رُتھ لیلی شمت

ہمالین جنگل پراجیکٹ پائس، انڈس کوهستان، صوبہ سرحد، پاکستان

1996

بسم اللہ الرحمن الرحیم
کتاب دہ شامل مواد نقل، ترجمہ کہ چھاپ تھونے اجازہ نش۔ (رازول)

| | | |
|----------------|-------|--|
| کتابے نوم | _____ | سنا قاعدہ |
| لک کہ تحقیق | _____ | رازول کوہستانی، رتھ لیلی شمت |
| ترتیب، کمپوزنگ | _____ | رازول کوہستانی |
| آرٹسٹ | _____ | فائن آرٹ سٹوڈیو، محمود علی، صدر راولپنڈی |
| چھاپ خانہ | _____ | پین گرافک، اسلام آباد |
| چھاپے کال | _____ | ۱۹۹۶ء |
| تعداد | _____ | دو زر (۲۰۰۰) |
| تعاون | _____ | او. ڈی. اے گہ یورپین کمیونیٹی |
| بئنس | _____ | ہمالین جنگل پراجیکٹ پائس |

شکریہ

بیہ تو مہ اسہ تمام عزت من تراروئے گہ سزارو شکریہ ادا تھونٹس چہ کھائیٹا آئے قاعدائے لک گہ فیلڈ ٹیسٹ دہ اسوے تعاون گہ تو مہ رائے گہ تجویزہ دیگہ۔ بیس خاص شان گہ جناب مولانا سمندر خان، جناب مولانا محمد ایاز، جناب مولانا حاجی عبدالمستین، جناب مولانا عصمت اللہ خان (صوبائی وزیر مذہبی اوقاف سرحد)، جناب سبز علی، جناب زین العابدین، جناب نورنا عین، جناب عبدالرحمن، جناب محمد مسکین، جناب گلاب خان، جناب محمد یکیم، جناب محمد فیاض، جناب محمد چن، جناب محمد بشیر، جناب جہانزیب خان (پیر پگاڑا)، جناب محمد ممتاز (واچر)، جناب مختصر خان (واچر)، جناب محمد منظر زرین، جناب محمد عمر، جناب محمد، جناب رستم نامی، جناب عبدالرؤف خان، گہ اسہ تعلیم یافتہ سزارہ کھائیٹے جداجدا نوع ادی نہ دیجن لئی لئی شکریہ۔

بیس ہمالین جنگل پرکٹے جناب گائی ڈیوک، جناب محمد ارشد، جناب محمد اشرف راجہ، جناب عبدالغفور گہ متہ سٹافے شکریہ ادا تھونٹس چہ سنا جو نہ جو صورت دہ آئے قاعدائے تیاری گہ اشاعتے دوران دہ دلچسپی، تعاون گہ مدد تھیگہ۔

رازول کوہستانی، رتھ لیلی شمت

پیش لفظ

شنا زبان پاکستان کے شمالی علاقہ جات، صوبہ سرحد کا ضلع کوہستان اور ہندوستان کے زیر قبضہ علاقے گریز، تلیل، دراس اور لداخ میں (بروک پابجہ) بولی جانے والی ایک بڑی زبان ہے جس کے کئی لہجے مروج ہیں۔ اس زبان کے بولنے والے آج کل اپنے اصل لسانی جغرافیہ سے باہر بھی پاکستان کے کئی دوسرے شہروں اور دیہاتوں میں اپنی مستقل اور عارضی بستیوں میں یہ زبان بولتے ہیں۔ یہ قاعدہ شنا زبان کے کوہستانی لہجہ میں ہے جو ضلع کوہستان کے علاقے کولئی، پالس، جملکوٹ، سازین اور ہربین وادی میں بولا جاتا ہے۔ یہ لہجہ معمولی فرق کے ساتھ چھلاس، دریل، تگر اور استور میں بھی سمجھا جاتا ہے۔

شنا ”دارد“ لسانی گروہ کی ایک آریائی زبان ہے۔ اس کی کئی لسانی خصوصیات پنجابی، سندھی، سرائیکی، پشتو اور فارسی سے بھی ملتی ہیں۔ شنا اور ”دارد“ شاخ کی دوسری زبانوں میں پائی جانے والی لسانی، فونیائی، صوتیائی اور تشکیلاتی عادات اور خصوصیات کی بنا پر انہیں پاکستان کی لسانیاتی تحقیق میں خاص اہمیت حاصل ہے۔ اس شاخ کی زبانیں پاکستانی ہمالیہ، قراقرم اور ہندوکش میں بولی جاتی ہیں اور یہ وہ علاقے ہیں جہاں رونما ہونے والے مثبت یا منفی ماحولیاتی اثرات پاکستان کے میدانی علاقوں پر اثر انداز ہوتے ہیں۔ ان علاقوں میں خواندگی کی شرح بہت ہی کم ہے۔

اس قاعدہ کی تیاری میں اس زبان کے زیر استعمال غیر متفقہ رسم الخط اور اس زبان پر ڈاکٹر محمد شجاع ناموس، عبدالحق تاج اور محمد امین ضیاء کے کام سے ضرورت کا استفادہ کیا گیا۔ حروف علت اور علامتوں کا استعمال محتیاظ اور محدود رکھا گیا ہے۔ قاعدہ کے ابتدائی کام پر دو مرحلوں میں عملی تجربہ بھی کیا گیا تا کہ مقامی اہل زبان کی رائے اور شراکتی عمل سے استفادہ کیا جاسکے۔ تجرباتی عمل سے جو نتائج سامنے آئے ان کی فنی بنیادوں پر تحقیق اور تصحیح کے بعد اس قاعدہ کی تکمیل ہوئی۔ حروف، علامتیں یا رسم الخط آواز کا ترسیمی روپ ہوتا ہے جس میں ترقی اور ترسیم و اضافہ کا عمل جاری رہتا ہے اور یہ عمل اس زبان میں بھی جاری رہے گا۔

یہ قاعدہ بنیادی طور پر ماحولیاتی آگہی کا قاعدہ ہے۔ اس کا مواد ایک مخصوص جغرافیائی، سماجی اور ثقافتی علاقہ سے لیا گیا ہے۔ ہمارے خیال میں ماحولیاتی قاعدوں کی تیاری کے دور ان لوگوں کے سماجی اور ثقافتی معمولات، رویوں اور ان کی ذہنی سطح کے مطابق ماحولیاتی پیغام تیار کرنا چاہیے۔ ہر جغرافیائی اور ثقافتی علاقہ کے اپنے اپنے سماجی آداب ہوتے ہیں اس لیے ایسے علاقوں سے لینے گئے خام مواد میں ہی ایک موثر اور قابل قبول ماحولیاتی پیغام دیا جاسکتا ہے۔ یعنی ”لوگوں کی باتیں لوگوں کے لینے لوگوں کے انداز میں“۔ یہ ایک ایسی ٹھوس سماجی اور ثقافتی حقیقت ہے جس سے انکار نہیں کیا جاسکتا۔ اپنے مواد اور پیغام کے اعتبار سے غالباً یہ پہلا ماحولیاتی قاعدہ ہے جس کا خام مواد لوگوں کی عملی زندگی اور ثقافتی معمولات سے لیا گیا ہے۔ اس قاعدہ کے کام پر سال 1995ء میں داؤد پوٹہ ماحولیاتی تعلیمی ایوارڈ بھی مل چکا ہے۔

اس قاعدہ کی تیاری ہمالین جنگل پراجیکٹ کی ان کوششوں کا ایک حصہ ہے جو وہ قدرتی وسائل کے تحفظ اور ترقی کے لیے ضلع کوہستان میں کر رہا ہے۔ یہ منصوبہ محکمہ جنگلی حیات اور جنگلات صوبہ سرحد، برڈ لائف انٹرنیشنل، ڈبلیو ڈبلیو ایف پاکستان، ڈبلیو پی اے پاکستان اور نیشنل کونسل فار کنزرویشن آف وائلڈ لائف کے اشتراک اور تعاون سے ضلع کوہستان میں روپہ عمل ہے۔

قاعدہ کی عبارت اور علامتوں میں ممکن حد تک احتیاط کیا گیا ہے کہ کوئی غلطی نہ رہے اس کے باوجود اگر کوئی غلطی رہ گئی ہو تو ہم پڑھنے والوں کے ممنون ہوں گے کہ وہ اس کی نشاندہی اور اپنی قیمتی و فنی تجاویز سے آگاہ فرمائیں۔

ا ب پ ت ٹ ث
 ج چ ح خ ح
 د ڈ ذ ر ر ژ ز ر ژ
 س ش س ص ص ض ط ظ
 ع غ ف ق ک گ
 ل م ن ن ٹ ن نگ

وہ می ے

| | | | | | | | |
|---|---|---|---|---|---|---|---|
| ث | ح | چ | ج | ٹ | ق | پ | ب |
| خ | ح | ھ | گ | ک | ڑ | ڈ | د |
| ~ | ء | و | و | ا | و | ر | ل |




ترا



را

| | | | | |
|---|----|----|-----|----|
| ا | ل | ب | ر | ر |
| | را | با | ترا | را |



را



با



شا




کا

| | | | |
|---|----|----|----|
| ا | ش | س | ک |
| | شا | سا | کا |



اَل



اَس

رَک
کَر

رَس
سَر

اَس
سا

اَش
را
شا

بال




باز

| | | | | |
|-----|-----|-----|-----|-----|
| ل | ک | ر | س | ش |
| بَل | بَک | بَر | بَس | بُش |
| بال | باک | باز | باس | باش |

ز

باز

باز



زُب- زُک- زُل- زُر-
زَاب- زَاک- زَال- زَار-

اَرَوُ




| | |
|---|---|
| ا | و |
| آ | ؤ |

رَا اَرَوُ - اَش رَا اَرَوُ - اَش بَا اَرَوُ - اَك بَا - اَك سَر - كَا اَرَوُ -
اَك بَا - اَش بُو - اَرَوُ اَرَوُ - وَا كَا اَش بُو - بَال - اَك بَال اَرَوُ -

بَك



بَك



بَس - بَل - بَا سَ بُو - بَش - بَس - بَا سَ - سَر - سَر - سَر -


| | | |
|---|---|---|
| س | ش | س |
| س | ش | س |

اَگو



| | |
|---|------|
| ک | گلک |
| گ | گگلک |
| ل | لل |
| ن | ننن |

رَگو




گاس - گر - کر - نش - بل - نل -
اگو - شگو - بس - بس - سن - بن -
باس - باش - گلکس - بر - آل - لر -



یل

| | |
|---|------|
| - | نش |
| و | نوش |
| و | اوبو |
| و | رَگو |

سن - مشا نش - اک شوک - اون - اوبو - رَگو توک -



کُون



کُون

| | | |
|----|----|---|
| ن | و | ھ |
| نٹ | وٹ | م |



کھُون

کھن - کھنٹ - مُونٹ - مُون -
 مال - مَوس - مَوس - مَوس -
 کَوم - لَمُون - گَوم - مَما -

| | |
|---|----|
| م | مم |
|---|----|



تَوم

| | |
|---|----|
| ت | تت |
| ٹ | ٹٹ |
| پ | پپ |

لُون


لُونس - تَن - مَمَتُو - تُوْمُو - تَن -

تِكُون - تَپ - تاپ - بَط -

مُونس كُون مَحْم - پَشكال اَلُو -

پَلُون - پَلُون - تَل - تَهَل -

رَط - رَلُون - بات - توك -



ه = ر + هَر

ك = ر + كَر

ش = ر + شَر

س = ر + سَر

پ = ر + پَر


هَر - هَك - هَاك - هَل - هَس - هَاس -

رَك - كَر - كَرَأ - اَرَأ - اَرَط - كَرَط -

شَر - شَرَأ - شَل - شَال - شَأ - اَشِيُو -

سَر - سَار - سَارُو - سَس - سَرُو -

رَپ - پار - كَرِپ - پِل - پَهَل - پارُو -



پَل

هَمَه

ه

هَك - هَاك - گاه - هِن - هَت - هَس - هَگَر - هَل - هُون - هُو هِن اَلُو -

| | |
|---|----|
| ى | يى |
|---|----|

يُون



يَب - يات - ياس - پيالو - پيال -

| | |
|---|----|
| ن | نە |
|---|----|



مان - مون - يونس - ميانرو - منگ -

روئز - گر - هر - ار - ر -

كرك - كرك - هر - ار - كرك -

| |
|---|
| ر |
| ر |



دوم



دوم

دُر - دُم - دُپ -

| |
|---|
| د |
|---|

دورورۇ - دورورۇ - دور - دۇگۇ -

دُر - دُم - دُپ -

| |
|---|
| د |
|---|

دماش - دادو - رادو - يودو -

كو

| و | وْ | وُ | وِ |
|----|-------|-----|-------|
| گو | مۆ کو | بھو | مۆ کو |
| شو | لۆ | شو | تۆم |
| لۆ | رۆ | بۆ | مۆس |
| کو | کھو | کھو | تارۆ |



پَدَور - پَدَل - پَدَور تھہ - پَدَون - پَداس -
 گندہ - بَند - بَندی - تَندی - تَندی لک -
 کُدی - کُدیٹ - کُدو - کُودو - کُورؤ - کُدو -


| | | | | |
|---|---|---|---|----|
| ب | + | د | = | بد |
| ن | + | د | = | ند |
| ک | + | د | = | کد |

مۆ کو




مۆ کو





پھال



جال

جَل - جال - جَک - جاک - جا کو۔
 چَل - چھل - چَک - چاک - چَر - چار۔
 نیلو جَل - پھال چرانو۔ بَچیل باشانو۔

| | |
|---|---|
| ج | ج |
| ج | ج |

چَل - چَک - چُک - اَچ - کَچ - اچھ - اُچ۔
 چَک - چوں - خادر - بَٹھو - ٹھو - اُٹھ۔

| | |
|---|---|
| چ | چ |
| چ | چ |

اچھ

چکانی

ٹھکو

تھپی



| وُ | وُْ | وُْ | وُْ |
|---------|------|--------|-------|
| تُوُس | لُوْ | لُوْ | چُوْ |
| پَشُوْر | سُوْ | رُوْ | رُوْ |
| پَشُوْس | بُوْ | بِرُوْ | بُوْ |
| تُوْ | هُوْ | کھُوْ | کھُوْ |

رُوْ کھُوْ



بُوْ



قا۔ قُرُو۔ سَبَق۔ قُوْج۔ قام۔ قُول۔
مَنُوْق۔ ٹھوَاتَر۔ قَس۔ قُوں۔ قَرَقَر۔

ق قَتَق

گو مے بی۔
 کٹی پشی۔
 ہی مو س۔
 یو نرے ایل۔
 نیلو تو م۔

| | | | |
|------|-----|------|-----|
| ی | ی | ی | ی |
| سوری | ہی | بی | بی |
| پشی | مری | تھری | مری |
| بلی | گی | بلی | بلی |

نیلو دیں
 ڈولی ہنگ۔
 دو بی اہ۔
 گورے بی۔
 موں بی آیوس۔

| | | | |
|---------|-------|-------|-------|
| ید۔۔۔ | ید۔۔۔ | ید۔۔۔ | ید۔۔۔ |
| پو اچیس | ہیش | بجیل | لیج |
| ٹکنس | ہیٹ | ایل | بیل |
| پو خیر | ہنگ | سیسو | لش |

مکی



بجیل

کِل



| — | ُ | ِ |
|------|-------|-------|
| سِس | اُس | سَس |
| کِل | شُر | دَر |
| مِنگ | کُدیٹ | ہِت |
| ٹِکی | چُپ | چَکَر |
| ہِپی | مُشا | کَھل |

مکر :-

| | | | |
|-------|---|---|------|
| توُس | + | س | تُو |
| ٹِکیس | + | س | ٹِکی |
| پُشوس | + | س | پُشو |
| ٹِکیٹ | + | ر | ٹِکی |
| پُشور | + | ر | پُشو |
| اُٹوس | + | س | اُٹو |
| اُٹیس | + | س | اُٹی |

توُس کوُم تھہ۔
 ٹِکیس رَس تھینی۔
 پُشوس مَوس کھانو۔
 مُشا ٹِکیٹ اُٹو۔
 پُشور مَوس پَھل تھہ۔
 مُشا اُٹوس۔ جَک اُٹہ۔
 سہ اُٹیس۔ سہ اُٹوس۔

| | |
|---|----|
| ے | یے |
|---|----|

دو مشے اٹھ۔ ماے گواش۔ سزے مچ۔
 رَوے گواش۔ اک کاے کوم۔ دو مشے اٹھ۔
 ماے خادر۔ ہد چھہ کائے۔ مز کرے بانگ۔

روپیے



| ے | ے | ے | یے |
|------|-------|------|-------|
| کاے | کائے | کائے | روپیے |
| ماے | تھائے | مائے | --- |
| مڑے | مڑے | تھے | --- |
| اورے | اے | اے | --- |

| ید | ید | ید | ید | ید |
|-----|-----|------|------|-------|
| لیل | لیل | ہیلو | ہیلو | قیمت |
| میر | میر | ہیلو | ہیلو | پھیلو |
| گیر | للس | ہیلو | ہیلو | قیس |

| | | |
|----|----|----|
| نِ | وُ | ئِ |
|----|----|----|

| نِ | آئِ | وُ | اُ |
|--------|--------|------|-------|
| دَنِ | دائِ | لَوُ | تھاؤ |
| گَنِ | لائِ | پَوُ | گاؤ |
| کَنِ | شَرائِ | پھوؤ | کاؤ |
| مَکَنِ | بِگائِ | ہوؤ | پھراؤ |

سینے کو م تھاؤ۔ تھو سبق ر جائے۔ تھو گوٹھ ائیت۔ موس
 ائیت چاء پیوس۔ اسے اُجھئی مالٹر گئی۔ اساکئی لیس۔ دائے مشے
 اکہ۔ شرائے نہ مر یا۔ او شے پھوؤ بی۔ مشائے کج لَو۔ گاؤ چرائی۔
 تھو تھیا۔ مالٹر کھیا۔ نیدہ مٹھ سیا۔ نیدہ تو بی نہ دو یا۔ بزوں مٹھہ بٹھا
 دیا۔ ڈو کھ گٹو بو کھو یا۔ چا پیر جھاس دیا۔ ہر چھک وونی دیا۔

| وئی | وئی | وئی | وئی |
|--------------------------|--------------------------|-----------------------------|--------------------------------|
| لوئی پلوئی لو کوئی | ہکوئی ہروئی اٹھوئی | ڈگینوئی انوئی تھینوئی | ڈگینانوئی شینگوئی بٹھوئی |

| وئی | وئی | وئی | وئی |
|--------------|------------------------|------------------------|------------------------|
| ہکوئی --- | ہکوئی روئی پسوئی | کٹوئی چوئی سزوئی | ڈگوئی روئی تھوئی |

لوئی



| یئی | یئی |
|-------------------------------|------------------------|
| چیسئی تھیکیسئی اٹیکیسئی | چیسر تھیسر اٹیسر |


| | | | |
|-------|-----|--------|-----------|
| ایسے | یے | یو | یہ |
| ایسٹم | گیے | ایونٹھ | گنجیئی |
| | | | میر بچیئی |
| | | | تھیجیئی |

| | |
|--------|-----|
| ایاتن | یو |
| ایابیل | چیو |
| ایاتو | گیو |
| | مشو |



جک گئے۔ کوم تھیجیئی۔
 نصیرے گیو کیسٹ دہ۔
 آش یے ہشرن۔ سواج اٹہ۔


موں ایسٹم۔ سہ ایونٹھ۔
 ٹھو ایاتن۔ ٹھو ایابیل۔
 ایاتو یب سٹم تھون۔



| | |
|---|---|
| خ | خ |
| ح | ح |

خ

خام - خر - خوم - ختم - خول -
حال - حق - علوا - حق مؤنس -



| | |
|---|----|
| ف | فف |
| ص | مص |
| ض | ضض |

صندوق

صاف - انصاف - اصل - صندوق - فرض - ضعیف -
بالٹ صاف خوراک دیا - صاف پوچھ بونیا - سبق رزیا - مشو کوم تھیا - حق
مونس رس - انصاف تھیا - خومے ووئی - خوجی ووئی اٹھ - مشا ضعیف بلو -
مشاڑ ڈاڈو - کئی صندوق اٹھ - جیب دہ نش تو بازار دہ نش -



طَرَف - طَوَاطَا -

لَفَظ - نَظَر -

عَام - عِلْم -

بَاغ - غَوَاطِر -

| | |
|---|-----|
| ط | ططط |
| ظ | ظظظ |
| ع | عمع |
| غ | غغغ |

ثَابِت - ثَالِث - ثَوَاب - اَثَر -

اَثَرَا - اَثَرَا - اَثَرَا - اَثَرَا -

ذَات - مَذْهَب - عَذَاب - مَوْذِي - ذَال -

| | |
|---|-----|
| ث | ثثث |
| ز | ززز |
| ذ | ذذذ |

مُشَاك لو غریب - اک چھک سا جھو پشاؤ - سینے میوؤ باغس - جک سے
 میوائے ملی ہنس - مت چھک باغ سیو نے تکر گڑاؤ - گئے مٹھہ اٹاؤ -
 گٹوہ ڈو کہہ کھوئے مٹھہ سیاؤ - اپہ دیزو جی مٹھہ بیٹہ - کال دو چارو جی
 مٹھو جی بار پیگہ - سینس میوائے اٹے بازار دہ ملی دیو بوجاسو - آہو مداجی
 سینے تنگشیا بڑیتھی - بہت پاں کڑیاؤ ک لردہ نہ بوجالو -

ج چھ ش ٹ ٹھ ٹن

ج چھ ش ٹ ٹھ ٹن

جَل - جِک - جُک - بِجَحو - کِجٹ - کِجائی - کِجائی - کِج - اَج -
 جَھر - جَچھو - جَھو کو - جَھپوں - جَھپوں - اِجھ - اِجھی - اِجھی -
 جَک - جَکی - جَوں - جَلو - کاؤنجی - اُج - جَپق - جَپی - جَرون -
 جَکو - جَکو - جَھوئی - جَھو - جَھا - جَھے - اُجھو - اُجھوئی - اُجھ -
 رَا - رَاوے - رُوک - اَرُو - اَرک - اَر کون - اَرانو - اَروں -
 سَک - سُوک - سَمر - سَری - اَنس - لَیس - تہ - سُو - سوبون -
 تَن - گھن - مٹیال - سَن - یَشکن - کسین - گوٹ - گوئی -

جَل تھ - جُک پھل تھ - بِجَحو باشانو - جَھرے ووی - اِجھ - اِجھے پھالہ -
 شائے جَکی تھ - جَوں دُون - جَھو اکت - جَھپوں اُجھ - اُجھے ووی پی -
 جَھپوں بلو - اَرُو پلو - جُکے اَرک - دو رَاوے سَتر گئے - اک رَاکو - رُوں
 تھون - سَک شلون - چاء سُوک تھ - اَنس روپیے - جے سُو تھ - تہ مَشا -
 تَن تھون - مَٹی گنوں - کئی گوئی - سَن ذات - یَشکن جَک - کسین مَشا -

۔وئی

۔وئی

۔وئے

۔وئے

۔ویئے

۔وئی

۔وئی

۔وئی

۔یئی

۔یئے

لوئی اُچتی۔ پلوئی پھڑیلے۔ میل لُو کوئی دانی۔

بے بگوئی اٹ۔ جو تھینوئے۔ ٹوسا پیر مس۔

کیہ ڈگینوئے۔ بھراڑ لُوئے اٹ۔ ٹوس کوم تھینوئے۔

ٹوڈ گینا لُوئے۔ موں شینگوئے نکھلاس۔ کٹہ شھوئے۔

موں چار بگوئے اٹاس۔ اسے لُو کوئے نش۔

بگوئی شلانی۔ اکو روئی نہ سہ۔ ٹوس ملو پشوئی۔

اسے کٹوئی چرانی۔ رَئے چوئی اٹ۔ میں سزوئی۔

ٹوس پچ ڈگوئی۔ اش تو روئی۔ ٹوس کوم تھوئی۔

جیئی ائی۔ تھو کوم تھیکئی۔ تھو کاٹھہ اٹیکئی۔

چیر ہو تھہ۔ موں کوم تھیس۔ موں شا اٹیس۔

اک کالے کوم۔ مالے گوتس۔ چار مڑے اٹیکہ۔
 نمے کالے اٹ۔ مڑے سِل تھ۔ اسے گوتس۔
 روپہ کالے اٹ۔ مالے اگو۔ کوم تھے بو۔ اسے چھوٹ۔
 موڑ شل روپیے قرض دہ۔ جو تھینوئے۔ پکارن۔
 پاں جی لیل و تھو۔ اسامیر و لیس۔ دیں جیل دانو۔
 مشالیل بلو۔ بے میر دہ جدرانی۔ لیس اٹھیلی۔
 ہیلو بال اٹو۔ ہیلو مشالون نہ اموشانو۔ ہیلی زائی۔
 بیس کوم تھون۔ بیہ اس۔ تو کیہ بوجانوئے۔
 بھا کے قیمت کچا کن۔ چمرے پھیلو اٹ۔

ے

ے

ے

یے

ید

ید

ید

ید

ید



لیس

اَوَرَا کوم تھہ۔ شو موس تھوس۔ مَو کو اُچتو۔ لو بلو۔

و۔

مُشا گورہ بو۔ مُوس کچ لو۔ بال نہ رو۔ مُشاس ٹکی کھو۔

و۔

اوشی پھو بلی۔ مُشاڑ ہو تھہ۔ کچھو کھو۔ ہو ری ٹکی۔

و۔

گوسٹھہ بو۔ پھلورے قوم۔ موس کوم تھم۔ اک تارو۔

و۔

کھونہ تھہ۔ ڈو گو توک۔ رو نہ سیش۔ بہوتھے اٹ۔

و۔

مٹس ٹکی کھو۔ سس کچ لو۔ مٹس نہ رو۔ ٹوس جو لہو۔

و۔

جک ہو بد۔ ملو لہو بلو۔ سو نہ کھہ۔ ٹوس ڈولی بہو۔

و۔

تو الوئے۔ ٹوس شائے ٹکی تھہ۔ پشوس موس کھو۔

و۔



موس کال

موس۔ موڑ۔ می۔ موجی۔ موں۔ بیہ۔ آسوڑ۔ اسا۔ آسے۔ آسوچی۔

تو۔ توڑ۔ توچی۔ تھوئی۔ تھو۔ تھوڑ۔ تھے۔ تھوچی۔ تھا۔

سہ۔ سیسٹر۔ سیسے۔ سیسی۔ سیسو۔ سیسچی۔ سہ۔ سنوڑ۔ سنیں۔

سنوچی۔ ملو۔ ملئی۔ مشا۔ مشے۔ مشاڑ۔ مشوڑ۔ چئی۔ چیر۔ چیحی۔ چیو۔

چئے۔ چیوڑ۔ چیوچی۔ چیو۔

بزودو اکو۔ مٹھ سیا۔ میوؤ مٹھ۔ مٹھ نہ دو یو۔ پھینجا بیا۔ اک توم۔

یونس پھرانی۔ اش می وارن۔ موس مکئی پھیراوس۔ مکئی لیگہ۔ اک

منگ۔ دو بگی۔ لا بگی۔ بگی نہ مریا۔ چیو ہول نہ پھوٹیا۔ روئز نہ مریا۔

روئز سے پھالہ۔ سچاچو باشانو۔ لیس اتھیلی۔ رگو دوم اٹ۔ دوم تھہ مشا

دوم دہ نارہ گیاؤ۔ دم تھہ۔ نماز تھہ۔ سبق رس۔ کوم تھہ۔

اک کوٹ۔ ڈو گہ کھوئی۔ کوٹ دہ۔ موس کوم تھم۔

موس کال

موس کوم تھم۔ موس ڈگم۔ موس بوجم۔ موس ایسم۔
بیس کوم تھون۔ بیس ڈگون۔ بیہ بوجون۔ بیہ ایون۔
توس کوم تھی۔ توس ڈگی۔ تو بوجے۔ تو ای۔
تھوس کوم تھیات۔ تھوس ڈگیات۔ تھو بوجت۔ تھو ایات۔
سین کوم تھے۔ سین ڈگی۔ سہ بوجے۔ سہ ای۔
سین کوم تھین۔ سین ڈگین۔ سہ بوجن۔ سہ این۔
موس کوم تھمس۔ موس ڈگمس۔ موس بوجمس۔ موس ایمس۔
بیس کوم تھونس۔ بیس ڈگونس۔ بیہ بوجونس۔ بیہ اینونس۔
توس کوم تھینوئے۔ توس ڈگینوئے۔ تو بوجانوئے۔ تو اینوئے۔
توس کوم تھینئی۔ توس ڈگینئی۔ تو بوجانئی۔ تو اینئی۔
تھوس کوم تھینت۔ تھوس ڈگینت۔ تھو بوجنت۔ تھو ایانت۔

سَنسِ کُوم تھینو۔ سَنسِ ڈ گینو۔ سہ بوجالو۔ سہ اینو۔

سَنسِ کُوم تھینی۔ سَنسِ ڈ گینی۔ سہ بوجانی۔ سہ اینی۔

سَنسِ کُوم تھینن۔ سَنسِ ڈ گینن۔ سہ بوجنن۔ سہ اینن۔

موس کُوم تھوس۔ موس ڈ گوس۔ موس بوجوس۔ موس ایوس۔

موس کُوم تھوس۔ موس ڈ گوس۔ موس بوجوس۔ موس ایوس۔

بیس کُوم تھوویس۔ بیس ڈ گوویس۔ بیہ بوجہیس۔ بیہ ایہیس۔

توس کُوم تھوئے۔ توس ڈ گوئے۔ تو بوجوئے۔ تو ایوئے۔

توس کُوم تھوئی۔ توس ڈ گوئی۔ تو بوجوئی۔ تو ایوئی۔



تھوس کُوم تھوویت۔ تھوس ڈ گویت۔ تھو بوجیت۔ تھو اییت۔

سَنسِ کُوم تھو۔ سَنسِ ڈ گو۔ سہ بوجو۔ سہ ایو۔

سَنسِ کُوم تھو۔ سَنسِ ڈ گو۔ سہ بوجو۔ سہ ایو۔

سَنسِ کُوم تھووی۔ سَنسِ ڈ گووی۔ سہ بوجوی۔ سہ ایوی۔

مۈں کۈم تھاس۔ مۈں ڈ گاس۔ مۈں گياس۔ مۈں اٹس۔
 مۈں کۈم تھس۔ مۈں ڈ گيس۔ مۈں گيس۔ مۈں اٹس۔
 اسا کۈم تھس۔ اسا ڈ گيس۔ بيه گيس۔ بيه اٹس۔
 تھو کۈم تھائے۔ تھو ڈ گائے۔ تھو گياے۔ تھو اٹوے۔
 تھو کۈم تھيگيے۔ تھو ڈ گيگيے۔ تھو گيے۔ تھو اٹيے۔
 تھو کۈم تھيت۔ تھو ڈ گيت۔ تھو گيت۔ تھو اٹت۔
 سيسي کۈم تھو۔ سيسي ڈ گاؤ۔ سيسي گياؤ۔ سيسي اٹو۔
 سيسو کۈم تھيگي۔ سيسو ڈ گيگي۔ سيسي گيے۔ سيسي اٹي۔
 سٹا کۈم تھيگي۔ سٹا ڈ گيگي۔ سيسي گيے۔ سيسي اٹي۔





دِئیں جَرِیلو تُو تھوپ نہ اُمُوشانو۔
گورہ اُکو بنے اچھ گہ نہ مَرین۔
جھو کوئے کھویاؤ، داٹوئے لویاؤ۔



شرا پو وے کوٹ نہ پو۔

میانرے ولنجی بوجون۔

پٹھیلہ مکی تھور دیون۔

اَرّوجی مچی میکہ مچھو ایون۔

بَس نہ بلو کڑ سونگ بازارن۔

شٹھوں گہ ہوا بون۔

خر ناره وی پتو پیچھی گڑون۔

پشی گہ مورّو تھون۔




روئز گہ دُروئے قصہ

جھیلک وہ روئز گہ سنیے دُو پھالہ پُخرنس۔ پھالہ کرہ توئی ملہ سے نوٹنس کرہ اورہ پیرہ
 ال دینس۔ اچاک مچی دُروئک بس بلو۔ چکاؤ تو روئز گہ دُو پھالہ پُخرنس۔ دُروئ لائی
 تھیو ایللو۔ روئز گہ پھالہ خبر ملہ۔ دُروئ غوٹی سنیے کڑک تھاؤ۔ روئز وزی دتی۔
 لیے گرو دتو۔ پھالہ حریان بلہ۔ روئز سہ لیے دھن وہ پائیں ٹھک ٹھک تھلیسی۔
 پھالہ رینس۔ ملے چاپیر بک پھری ریو کھوجیکہ۔

”وو می اچی گہ کلئی تونس کیہ بلدن دینئی۔ توڑ جو چھل بلہ۔“
 روئزو ہلائے ہا پھالوڑ چکے پائیں ٹھک ٹھک تھگی۔ پھالہ رینس۔ روئزو رجگی۔
 ”وو می پھالہ تھوڑ جو لیلین؟۔ مون بلو ووئی پیسن۔ می ڈیرے ڈر الین۔ بوجہ کیے
 اچی سے اچی بیا، بابو سے بابو۔ کیے تومو سے ٹل بیا۔“

اے رزی روئز موعیں۔ دُروئ لو خپاسو۔ وُخ لگیاؤسو۔ روئزے پھالہ ال دے
 جوڑیے جیل وہ نوٹھ۔ بیلاڑ دُروئ گوارہ قصہ تھاؤ۔ چیو رجگی چہ تھو روئز مرے
 پھالہ بے اسرے تھائے۔ اسہ دیزجی پتو سنیس دُرو نہ داؤن۔ خدینس رزانو چہ زینے
 مخلوچی رحم تھیا اسمانے مالک سہ تھوچی رحم تھو۔ ہر سا لری تھیرٹ امن دون پکارن۔




زُون ميانرُو

جنيڪ ده اک زُون ميانرُو گه برنگ باڻول بئس۔ زُون ميانرُو لو شهلوس۔ وازے
اک ڏوھڻو کس۔ سه سُونج نه يازباسو۔ سُونج يات تو بلي بوجاسو۔ سه چل چرون
بوجاسو۔ سوري دُونج ٺھو مرڪ بئيو۔ اک چھڪ چل زُون ميانرُو چرون گياو۔
پتيو ديوک آئي برنگ باڻول پي گڙاو۔ کھونج سوري جل جل ملي۔ زُون ميانرُو
چري وھو۔ دردي اچي هو تھاو۔

در وي و برنگ باڻول در وي۔ کھونج سوري جل جل مون بلي گياس در وي۔
برنگ باڻول ھتي پائين گڙياس۔ در نه ويباسي۔ اڙيو آواز تھنگي۔

”کا تھم و و م زُون ميانرُو۔ ديوي مون قيد تھاو۔ موس کا تھ در و سيم۔“
ديوي کسپ تھ برنگ باڻول مراو۔ بخاري زُون ميانرُو سوريو شت اٿگي۔ سه بلي
گياو۔ سوريو زُون ميانرُو تيلني شريا بليگي۔ زُون ميانرُو وزي دتو۔ ديو نکھاتو۔ چکاو تو
زُون ميانرُو مون سو۔ اچاک جي دروھڪ بس بلو۔ سھسي گزار تھ ديو مراو۔



اَنگک گہ بَنگک

اک جوڑی بروٹیکس۔ سنیے دو پھیاس۔ اک اَنگک متو بَنگک۔ سہ ہر چھک
 کھوڑ چرون بوجاسی۔ بیلاڑ پلوئے گریائے تھے، سگوچی کڑے و لیسے۔ دردی اچھی ہو
 تھیسے۔ ”در وی دو اَنگک گہ بَنگک در وی، در کڑچ تو چوچو پیں پیں۔“
 اَنگک گہ بَنگک سہ ال دے در وینس۔ سٹیں ماں سہ سٹوڑ پلوئے گریائے
 پھل تھیسے۔ سٹیں کھونس۔ اک چھک دیوکی جیل وہ جوڑی بروٹی کھیاؤ۔ تھپ
 بلو۔ سہ نہ و تھی۔ پھیوچی قہ تھیکہ چہ جوکی کھیاؤ یا مراؤ بو۔ اچاک جی اچھک
 بس بلو۔ اَنگک گہ بَنگک لیکھاس۔ اچھی سٹوڑ ڈاڈ داؤ۔ جول تھے تو مو
 گوٹھہ ہریاؤ۔ دور اک جلیک وہ اچھے گوٹس۔ اَنگک گہ بَنگک بس بلہ تو
 مھو اچھنی بیٹیں۔ اچھی توئی چیر رجاؤ چہ سٹوڑ تشار کھون پیون دی۔ تومہ پھیو
 شریا رچھے۔ لو مڈا گیاؤ۔ اک و خک وہ اَنگک گہ بَنگک مشیلہ۔ اچھی سٹو
 ہری سٹیں گوڑہ اچھیاؤ۔ اَنگک گہ بَنگک تو مو گوڑہ اچھی لا خوشالاس۔ لو بلو
 ہو جیل گہ کھوڑ چرون بوجنس۔ بیلاڑ مرک بوئے و زنس۔ کرہ کرہ اچھ گہ اچھنی
 سٹووی بس بون اینس۔ خدیس جرو کوئی گہ نہ تھے۔



دَم سَنگ

کھس دَم سَنگ پالس دہ بیا سُو۔ وال دودویر بوجا سُو۔ یون رَہو ج دہ بیا سُو۔ سَنیے لا
 دینس۔ سہ بڑی چھلکی بیا سُو۔ سورپو حلیم بیا سُو۔ سہ و خدہ جکلوٹ دہ بوٹی سَنگ
 بیا سُو۔ سَنگ بوجش مالیا ہراسو۔ اک چھک بوٹی سَنگی سَنیٹر جواب تھاؤ چہ سَنس
 پالس دہ دراکھن مریو نٹھ۔ دراکھن سہ سَنیٹر مالیا نہ دینو۔ پالس دہ دراکھن اک
 دوسس۔ سَنیے نوم ہیا نلس۔ سہ شرکوٹ دہ بیا سُو۔ بزریال ہوک دہ دراکھن سَنیدی
 بس بون و تھو۔ اپو لو دما بیٹو۔ اک چھک سہ کھرے پودجی جکلوٹ روان بلو۔ دم
 سَنگی چار پوش مشیو ہتی پیچہ تھئے سَنس مریاؤ۔ سَنیے مڑے ہری سن دہ پھل
 تھیک۔

لو دما گیاؤ۔ دراکھن گواسٹھ نہ اچھتو۔ سَنیے چیو ہیا نلر جواب تھیک۔ ہیا نلی سچاؤ چہ
 دراکھن تو لو دما چھو گیاؤن۔ چیو قہ تھیک چہ بوٹی سَنگی مریاؤ۔
 دراکھن دو پھاس۔ اکڑ تولو متور دودو کو تھینس۔ اک و خک دہ سہ مشیلہ۔ تومی ملجی
 رخصت بوئے شرکوٹ و تھ۔ ہیا نلی سٹور ایوک گہ پون برابر تھاؤ۔ سہ مگری پون
 دتھ دودویر اچھتہ۔ پھلورے توہ کی اکھری جکلیگہ تو دَم سَنگ چھلکی بیٹوس۔ حلیم
 پیا سُو۔ تولو گہ دودو کو ایوک گہ برابر س۔ اک ہی ریک تھے کونگی روں تھاؤ۔ کون
 دَم سَنگے شن دہ ستو۔ دَم سَنگ زائی دہ موائ۔ تولو گہ دودو کو ال دے گئے۔ اپو
 مداجی سٹا جکلوٹ دہ بوٹی سَنگ گہ مریگہ۔

دَم سَنگے نسل چے ماہرن دہ آبادن۔ سٹور دَم سَنگیان چھلکی تھینن۔ کولی، پالس گہ
 جکلوٹ دہ تم چھو ایمان تولو گہ دودو کی اٹکان۔

بزودو

یودو بڑیتھو۔ ہن رس میو گیاو۔ اچھے بھلی۔ مٹھہ نلیہ۔ یودو کہ بیک خوشیلہ۔ دٹو
کائے ٹبر روان علی۔ دٹو کا نو ہنیر، کھکر مار کہ دیرہ دی مشانو۔ سہیے جے پھلے دو
دجارہ، چئی کہ ماں اکھائی روانس۔ سٹا مہیہ کہ گو۔ مٹھو دیگہ۔ پھیودی اپی اپی
بوکنیک ہی۔ اپی شباچی سے کنڈاؤڑ اچھہ۔ سٹو تھے بیکے واری پھوٹ تھیکہ۔ یودو کو
بیک خوشاسو۔ سن کڑی بیک یون ودان بینن بزون خوشین۔ بزودو خوشلتیائی و
پنٹو۔ جک سے بزودو ایون کہ گگخھیلی اچھنن۔ آتھ لا جک سے تومی اپی لی
ضرورت تام تھینن۔


”دو پنچھی بیہ گگخھیلیوڑ بوجیس۔ ایبل انوک لے ہشین۔“۔ اچھوئی رجاو۔
”تو کہ مکرے بوجہ۔ مون کہ کارخان سے ہٹی دوویس۔ انوک لی اپار بوجانی۔ جوک
کہ ول گی موجوئی۔“

دٹو کائے پچر رجاو۔ پون وہ آلہ جگو سے جوڑ خیر تھیو دٹو کا کہ سہیے ٹبر گواٹھ
اچھہ۔ گورے لیو اخسر و تھیس۔ گورہ اچھی سٹا مال کہ مہیہ گڑیکہ۔ کارخانی شناک
پشکی آٹے پھل تھاو۔ تومو گواٹھ اچھی سٹہ خوشالاس۔ نورو شناک مکی ہری یوڑجی
پیری اٹگی۔ کارخان کہ اچھو ماخامے ٹکی کھے، جھراڑ کیے۔

ڈولیو کوم کار

جک سے ڈولیو ہٹی دینس۔ کوئی جک سے ڈولی بہانس۔ دٹو کا گہ سنیے چچ سگہ تومی
ڈولیے ہٹی دینس۔ اٹوک جھڑی گہ ہن گی ڈولیو ہٹی گہ اخسریہ اران بلیاس۔
”اٹوک اسودی بھاک گہ بی نیش کا تھوویس ؟“

”جی کھوجون دہ دٹو کائے رجاؤ۔“ جیک سے ورگی تھوویس۔ مونس شرکوچی نوں بی
اٹوس۔ نوں بی گی فصل لو پینو۔ پوٹو بی گی فصل کم میو بوجانو۔ اسوڑ پکارن چہ
بیس نوں بی یون، ڈولی وٹ دہ ہی تیار تھون۔ گہاٹس صحیح شان گی خور تھون۔
بلاوی گہاٹس خور تھون گی مکیڑ کماٹی سچانی۔ گہاٹس گٹو پو ڈوکھوڑ ڈھیریاں تھون گی
سواتے عمل لہنی۔ گہاٹس دہ اک خاص قسمے اوشیئے اثر پینی اسے اوشی خارج پلے تو
گہاٹے عمل نوشانی۔ پنجابے جک سے گہاٹس ڈوکھوڑ ڈھیریاں تھین۔ اٹھ کھادے
بجٹ نہ پینی۔ اسوڑ بی کریا گہ بڑہ بڑہ سلیہ ہون تھے پھتون پکارن۔ اٹھ اسے
فصل لو بوجانو۔ لا جک سے بی کریا بڑہ سلیہ ہون نہ تھین۔ اٹھ بی پوٹیو بوجانو۔
پوٹو بی گی فصل گہ کم پینو۔“



گگڙھیلی

اڀ ڏيڙوڇي جڳا يَب سَم تھيگہ۔ مَوڇ دہ کھرہ مُڻھ سَنِيگہ۔ يَب سَم تھون گہ جڳا ڏوڻي
بيحون شيروع تھيگہ۔ ڏٺو کا گہ ڏوڻي سَچي مُتو۔

”ڏوڻي باندوڙ بوجم تھمس“۔ ڏٺو کائے بياک دہ شمشيرُ رجاو۔

”ڏٺو کا مون گہ اَسَس۔ اکھاتي بوجيس“۔ ڏٺو کا گہ گلشير سہ موري تھينس اڇاک

مجي جڳا گگڙھيليئو باس گلہ ديگہ۔ اڳي رجاو اٺوڪہ سيرے ٿيے گہ هوري زر

نرخن۔ مُتوے رجاو اٺوڪہ نرخ ليليون ولے گگڙھيلي کم هشين۔ نہ ليلين جو

ولن۔ گگڙھيلي جڪون دہ کڇا جک سہ جيلوڙ هگار سَنين۔ پار آئے دار دگہ جيگہ

هگار سَيانو“۔ جتے مهلائے رجاو۔

”تومہ تومہ پھيے گہ راروڙ پڙولي تھون پکارن۔ جيل دہ هگار سَيون گہ ٻئي قوے

نوخسانن۔ اُتھ جيل تباہ ٻنو۔ اوجي هگار جني خور ٻنو۔ اُتھ لنيگہ مُڻھ صفا

بڙيجئن۔ آئے تصور غلطن چہ هگار سَيون گہ گگڙھيلي لئين۔ هگار سَيون گہ اک

تو جيلے نوخسان ٻنو دو موگي آئے چہ چار پوش کالوڇي پتو گگڙھيلي کم بيو گيے اخر

نہ بينن۔ آئے سہ کريا بنگہ ٿهوڙ اتفاق دُعا تھون پکارن چہ کوئي سگہ جيل دہ هگار

نہ سِي۔ جڳا مهلائے موَس غوره پشي اتفاق دُعا تھيگہ چہ سَنيس هگار نہ سِي۔



تِگیار

دُٹو کا کہ شمشیر کو مچی مچی بانڈوڑ روان بلہ۔ رادو جیل وہ مکی باشنس۔ اپی شباچی سٹا کنڈاؤچی اچھی سُو تھیکہ۔ مڑے بیکوڑ بالی نوٹنس۔ بیاکوڑ مُشے لیل پینس۔ مالہ چرٹس۔ چھال مُموتی باشنس۔ وال بانڈے جدا خون پینو۔ مایوچی تلیار اینی۔ قسم قسمے پھڑہ پھڑپین۔ قسم قسمے مکی باشنن۔

”دُٹو کا پے سُو تھہ۔ ڈولئے کوم کار موبایینوئے“ شمشیری رجاؤ۔

بلو سے اکھاتی جو نہ جو کوم نہ تھے پیام نانس۔ کچی موبچی ہت پاں ہو پھون مسٹون۔ پے مچی مچی ڈولہ بخون کہ ساسن ہو تھون مون کہ بلو مچی کوئی نہ کوئی بوجیس۔ دیزی دائیک گوڑی موڑی نکھلم تھمس۔ ٹیال، مُشک بالا کہ شنگیوئے اش بلیہ مڑنی بوجنن۔ بلیس زر چار پوش ایل گگخھیلیو جی تھنن۔ زر دو پے پچ کہ گئی ملی دے ملی تو ایل اپار مچے۔“

”مٹہ جک سگہ گوڑی موڑی نکھلینن یا“۔ کارخانہ کھوجاؤ۔

”اوں لا جک سہ گوڑی نکھلینن۔ گگخھیلی اچسنن۔ جلیوچی اسے لی بڑی تِگیار پین۔ جوک کہ تھیز حساب گی کملو تو تگتیا نہ اینی۔“

سہ موڑی تھیو چھوت چھوت بیکے واری روائس۔ سوری دٹاچی مرک بون داسی۔ دور جیل وہ لیس کہ بجایہ باشنس۔



کاٹھ

مائیو جی ہن بچی گیاؤ۔ جک مائیوڑ گئے دم بلہ۔ وال مائیوڑ چر لئی بنی۔ گی دت لو
 یانو۔ مال کہ مہیشہ تھلینن۔ جک بدور کہ ساسٹے کریا وزبوجنن۔ والوکی بانڈے
 سات خوشلتیائی سات بنی۔ دٹو کا کہ والوکی بانڈے ساڑ لو کھوشن۔ اک چھک
 سنیسی شمشیرچی کھوجاؤ۔

”اگرور کدئی ہینکین چے۔ کھس اک چوٹک مون مودی بس بون گیاس۔“
 ”دٹو کا کوم کار ہو ہشینو ولے دہونے کاٹھو تنگشیا لینی۔ ایہ جلیوڑ کاٹھو نش۔ اک
 تو جک لیلان۔ دوموگو موش آئے چہ ٹھیکیدارو جی جلی دوئے ٹھک تھیکان۔ چے
 گوری دن کہ دہونے کاٹھ لیے سوکن۔“

”مون گیاس وخ دہ اگرورے جلی لا راداس۔ کاٹھ ولون ہسائس۔ کاٹھ دوئے
 دوئے ٹھک تھیکان۔ ای وختے کریا بنیہ کہ تھوس لئی کم تصور تھوٹس۔“ دٹو کائے
 تسس لنگ لنگ تھے رجاؤ۔

”دٹو کا ٹھو پھری سم حالت دانت۔ کاٹھ ایلان۔ ملی اٹون بخت نش۔ ملی اٹے
 دہون کہ گوری دن لئی گرانن۔ آئے کوم مسٹو مانو چہ کاٹھ لان تو اک دیزہ جی
 منوروس قونج ٹھک تھے دہائے۔ ابون اوڑنگی تولون گی جوگہ سرہ نہ یانو۔“

مائی

دٹو کا گوڑی نکھلی کہ شوڑیو بوجاسو۔ مچی مچی ڈولیسے کوم کارے کریا وز بوجاسو۔
شمشیر والو کہ بیکو سیل تھیو یازاسو۔ اپو ندا مڑو وہ بیٹھو۔ پتو لیدیڑ گئے اش مرک
بلوس۔ حجرہ وہ اچھون کہ دٹو کائے رجاو۔ ” ملو شمشیرے دوئی پیا۔ لو سووون۔
انوک لیدی کہ چوڑے سیل تھیو یاشن۔ ” نیں لو سووون مانوس۔“
کارخان سے چھوت چھوت دوئی پیاسو۔ اچھوئے لئی گئے لمداروجی بداو۔
” جو نو موٹس کال۔ نی ساج پانچ۔ کوئی موں نوٹھو۔“

” صفا خیرن۔ لیدی جک لا ول دان۔ والو کو بانڈو مڑنیو۔ مالے تکیار مٹنی۔ مچی
مچی زیوڑ مائی دو یجلین۔ کوئی زیوڑ مال لئی چرائی۔ کھس مڑو کہ رنگ نیلی بلیس۔ او مڑ
او مڑ جوڑیے جنیلس۔ مالے تکیار لئی مڑنیس۔ بے مائی لئی ابس بلین۔ چمپی کہ
قبرین مچی گھن زائی دو یجلین۔ ” ٹھو نڑی وہ جک سے کوم تھینس۔ بے پھوٹ تھائے
وہ پیرہ ہتوئی لیل بلی۔ مال لئی چرے زائی وہ جلے پڑا اراں بلیو۔ سُم دو یجانو۔ اش
دوئی کہ دم سنگ کومو نے مائی۔ کھس جک سے مکی تھینس۔ لئی اراں یلی مائیچہ
کال ہوری مال رٹجلی تو ست دوبار اسہ زائی وہ نی چرائی۔“



شریو

شریو آلو۔ جگا بانڈوچی وڑو نے سملے تھیکہ۔ کوینٹا گیو نوک و لیکہ۔ کوینٹا گوڑیو نوک۔
 کوئی جگا گی کہ گوڑی ہری بازوڑ ملی دیکہ۔ شرہ جگوڑ کوم لو پینو۔ کج لینن۔ کچو ٹوپم
 تھینن۔ مکی لینن۔ مکی موڑنن۔ کاٹھو لہی تھینن۔ شرہ پاں ٹاک تھونے وار نہ
 پین۔ شریو ایون کہ مالم، ہتویئے کہ جوڑیئے مٹھ پیلویئے کھاپے شریا کھگور پینن۔
 دٹو کائے مکی لے چاکہ تھاؤ۔ کج لونے کریا سٹا ہشر تھیکاس۔ مکی موڑو نے کریا کہ
 سنس اخسر ہشر تھینن۔ انوک سٹا گھن گوڑی کہ گکچھیلی تھیکاس۔ نوڑو کچی شا
 تھے شورگیسی۔ چیو موٹا، کلت کہ راکم پاک تھے شری خور تھیکسی۔ جک سہ یون
 موٹا، راکم کہ شوکھ شائے جوہ بدینن۔ انوک نوں بی گی سنس مکی لہی مڑنی
 بلنس۔ بزوں یب کہ مڑنی سم تھیکاس۔ بی کہ نوں ییکاس۔ سہ گی دٹو کائے فصل
 مڑنے بلوس۔ سہ خوشالاس۔ مڑنی بی کریا سٹا بڑہ بڑہ سٹیسہ ہون تھے پھتیکاس۔ بی
 کریا ہمشہ بڑہ سٹیسہ ہون تھے پھتون پکارن۔

جگا مکی سمٹے مال کہ مہیسہ وٹوڑ پھتیکہ۔ کارخان کہ اچھو گوڑی ملی دون بازوڑ گیسے۔
 شریوئے کوچی مچی جگا کاٹھو لہی تھون شریوع تھیکہ۔ جتے بیاک وہ ترک بیدیکہ۔
 کوینٹا پمیلہ پوچہ نکھلے سمبال تھیکہ۔ کھنوجی ہن پھو بلو۔ جک سن کڑیڑ روان بلہ۔



اُپار

شرہ اُپار وُخ، پینو۔ اُخسر جک سہ اُپار حجرہ گہ جُمتے بیاکوڑ تھینن۔ کوئی سہ اک مُنور
ہت دے اکو موجینن۔ کوئی سہ مال گہ روپیے دے۔ کوستان دہ اُپار نیٹوچی پین۔
جگو تکیار ڈولی، جیل گہ مال جانی۔ شرہ اُپار وُخ دہ جک لا ابون بینن۔ کوئی جک
اُپارے حق دہ لا گران بینن۔ کٹ بون نہ پھتینن۔ کوئی اُپارے حق دہ مسہ بینن
لا ربڑین نان۔ اُج آئے ول گلشیر گہ دُٹو کائے نو۔ گلشیر اُپارے لو گرانن۔ ہت دہ
ایوئے موس نہ تھینو۔ دُٹو کاسہ لئی باک نہ تھینو۔ ول ول گی اُپار موجینو۔ دُٹو کا
لئی چوٹ گلشیرے گواسٹھ گیاؤس۔ اُپارے موس تھون دہ گلشیری رجاؤ۔

”دُٹو کا ریزی داسیکوچی تُو موجوس۔ ایل فرمے روپیے ہشین۔“

”تُو فرمے روپیے جیسے جیسے دوائے؟۔ ہرکڑ فرمے روپیو رزانوئے۔ پوش کال گئے


فرمے روپیے ہشین نیں تھوئی اُپار مچانی۔ فرم کئی بوجو فرمے روپیو تھی نہ بو۔“

”دُٹو کا ٹھیکیدار ہتر نہ اینو۔ بس الو سات دہ موس روپیے ائے تُو موجوس۔“

دُٹو کائے لھاؤ چہ نیس گیس گہ کوم پینو نیں اُپار مچانی۔ سوچ تھے سنیس گلشیر


رجاؤ۔ ”موجی شنگار روپیے بوجنن۔ سنیس توڑ اینن۔ مون گہ تُو سنیس دی بوجون تُو

اُپار چار پار تھے اکو موجون۔“ مزرکڑ پدہاں جُمت دہ اکو اُپارچی موجیکہ۔




ہنگارے مٹھی

جگا کچو ٹوپی تھیکہ۔ مکی شورے تانگوڑ ویکہ۔ چے کاٹھو لہی تھونے پھکر واسہ۔ جُمت حجرہ گہ گورے کریا ہر مشاس یون کاٹھو لہی تھینو۔ جُمتے بیاک وہ جگا آئے مورنجی عمل تھیکہ چہ ہر مشاس دو دو ترک کاٹھ جُمتے کریا ولو۔ مہلائے رجاو چہ کاٹھ شوکھ ولون پکارن۔ نیلو توہ دو یون پکار مانو۔ شوکھ کاٹھوگی دُوم نہ پینو۔ مہلائے رجاو چہ جُمتے کریا اک مٹھی گہ اٹون پکارن۔ مٹھی گہ جُمت لئی تی پینی۔ کاٹھ آپہ دجن۔ دُوم نہ پینو۔ دُوم گہ اچھئے اران بین۔ منورو نجوڑ پینو۔ اش بیلہ اُخسر جک سہ حجرہ، جُمت گہ گورور مٹھی یا انگیٹھی سنین۔ اٹھ کاٹھو اپو دجانو۔ کڑاو کم پینی۔ زائی صاف رچھجانی۔ پوچہ تھکتہ نہ بین۔ جگوڑ مہلائے موٹس غورہ لیل بلو۔ جُمتے کریا اک مٹھی اٹونجی عمل تھیکہ۔ دو مٹوجی بازرجی بڑی مٹھی اٹے جُمت وہ سینگہ۔ اک دو ریزوجی جگا معلوم تھیکہ چہ مٹھی گہ کاٹھ گہ آپہ دجن، دُوم گہ نہ پینو۔ چھوت چھوت مٹہ جگا گہ تومہ گواٹس گہ حجرو کریا مٹھئے اٹے سینگہ۔



یون کوستان وہ لو ہن وزانو۔ کوئی زیوڑ شیلی ہندہ وزن۔ اخسر جک سن کڑیو
 بو جن۔ سن کڑی وہ ہن نہ وزانو۔ ہن وزے زیوڑ پودی بن بین۔ یون جک سے
 گورو شر نہ کھس تھین۔ پمیلہ پوچہ بوئن۔ مال اک وک کج وین اک وک بھو۔
 مشیس چھیکجی بھو ولین۔ بھو گج گج کہ پشکی کمیتیا تام تھجانی۔ مال گہ گج سے
 جرین، بنی گہ کاوے بھو لو کھوئن۔

سن کڑی وہ جگو یودو کہ بانڈان۔ یودو کہ بانڈوڑ کاو گہ بنی مٹھ لا بین۔ بانڈو مڑنی
 ہنو شمار مالے جگیار مٹی بنی۔ کھائیں جک سن کڑیو نہ اینن سنس جے موزو کریا
 پھک گہ کاٹھو لہی بنس تھین۔ یون کاٹھ لا دجن۔ لا کاٹھ ولونے کریا لو وک
 گہ کڑاو پکارن۔ جے جک سے گوس گہ جروڑ مٹھے سیون غورہ کلین۔ آتھ کاٹھ اپہ
 دجن۔ دوم نہ ینو۔ گوس صاف رھینجانو۔ دوم گہ بال چھل نجوڑہ بین۔
 یون لیکھ بالوڑ تہ پوچہ بوپیون پکارن۔ آتھ جک نہ بین۔ سن کڑیو آلہ جگوڑ کوم
 لو نہ ینو۔ مالے کریا سن کڑی لئی غورانی۔ آئے وجہ گہ دٹو کائے ٹر انوک پھری
 سن کڑیو آلیس۔ سنسے دو پھیسے مزدوری کریا کشیر گیس۔



سن کڑی

جک سن کڑیڑ آئی دم بلہ۔ اک چھک سن کڑی جگا توہ جرگہ لکھیکہ۔ ٹک ٹکے
مُشے جرگاڑ آلہ۔ مَوَس کال تھون وہ اک دٹو کاڑ رجاؤ۔

” دٹو کا اش بیہ تے ٹول پلاس چہ جگا بانڈو دوئے ٹھک تھیکان۔ مالے تگیار
بانڈو جی پئی۔ بانڈو نہ بلو تو بیہ گہ ٹھوس مال جو رچھوئیس۔ اش ٹول ہونے
مقصد گہ آئیں چہ بانڈو دیوونجی بن تھونے کریا جو تکر گڑون۔“

” سم رزانوئے ووترا۔ آئے بیہ گہ ٹھے بٹو کوٹمن۔ کال کاڑ بانڈو اُپس بیو بوجانو۔
کوئی سکہ آئی دیو بوجن۔ ڈوچھی ای سختی کریا اش بن گڑون پکارن۔ ہر قوے تو مو
تو مو بانڈون۔ تو مو تو مو بانڈو رچھون پکارن۔ بٹو مقصد اکن۔ آئے سے کریا بیہ بٹو
اتفاق گہ عمل اک ہون پکارن۔“

جرگائے جگا آئے مورجی اتفاق تھیکہ۔ چہ کھائیں مُٹھو دیو چھو بیو کالو جی بڑیو اسہ بی
دیو روپیو کریا دوئے مال ہلاک تھون پکار نائی۔ دٹو کائے رجاؤ۔


” بیہ گہ ٹھوس نیں اکے بانڈو دوئیس نیں جیڑ دیون پھتوئیس۔ کھائیں مُشا
آئے مورجی نہ کرلیو تو کُے چور ہو، کُے ناگا دو۔ آئے سچ عملن یا؟۔

بانڈو جی اوس تھیکہ۔ اُتھ سنکڑی جگا تو مو تو مو بانڈے حفاظت تھونے تکر گڑیکہ۔



اک چھک سبق رزیون ده اوستازی کھوجاؤ۔
 ” تھوڑ کچا مگو نوم ایسن۔ کھائیں تھوس جلیوڑ پشنت یا سٹیں اواز سٹنت“
 اک ملوک اٹھی رجاؤ۔ ” بئیں ہر چھک لا مگی پشوتس ، سٹیں اوازی سٹوتس۔
 بئیں لیس ، بجاحو ، بہگر ، ججیل ، ہنیال ، بن گکوں ،
 بولا ش ، ککس کہ برسو اوازی سٹون کہ پشوتس۔ اے مگی آخر جلیوڑ
 باشن۔“

اوستازی رجاؤ۔ ” آیتوجی متہ کہ لا قسمو منگ کہ چیائے جیل ، کھوڑ کہ بن
 کڑیڑ پشنت۔ جلیوڑ منگ کہ چو ہول کہ پینو۔ ہول کرہ کہ نہ پھوٹون پکارن۔
 مگو درو دون کہ پکار نام۔ اٹھ مگو نسل بڑیجانی۔ کھس پاس وہ بن گکوں
 کہ ہنیال ہر وہ پیرہ لیل بینس۔ چھ کم میو گیان۔ اچا درو نہ دون پکارن چہ
 منگ بالکل ختم بیہ۔ اسے روم منگ کہ لیوائے و جی ہر زائی وہ مشہورن۔



حفاظتی سووئیں

اک چھک دٹو کائے پوجو نجوڑ بلو۔ سنیے ہیش گہ چھاڑی بیسی۔ دٹو کائے سنس پنے اسپتال ہریاؤ۔ ”تھا بالڑ حفاظتی سووئیں سنیتین یا؟“۔ ڈاکٹری کھوجاؤ۔

”نیں۔ سہ گہ بالو شال بنی“۔ دٹو کائے ڈاکٹر رجاؤ۔

”سووئیں گہ بالو شال نہ بنی۔ بال چھلو مرضو کریا حفاظتی سووئیں سیون پکارن۔ آئے گہ سُر مخے، دوالو، اوٹھی، ٹی بی گہ متی مرض سے حملہ نہ تھینی۔ بالو نجوڑ تیائی کریا لئی احتیاط تھون پکارن۔ ہیش گہ چھاڑی کریا دارو سے ساقی ساقی بالڑ لوٹھالو یا بکولے ووئی سنے پیون پکارن۔ آئے گہ بال کمزوری مانو۔ بالڑ صاف خوراک دیا۔ صاف پوجہ بونیا۔ جوک گہ کھیونجی = مچھو ہتی دجرون پکارن۔ بال نجوڑ بلو تو جینی گہ اسپتال ہرہ۔ سنیر گاؤ یا مہیے دت پیون بت تو دت تپے دیا۔ بالوڑ کور سے سووئیں تھام تھون پکارن۔“

ڈاکٹری بالڑ سون سیاؤ، کھون دارو داؤ۔ پال پشیاؤ۔ دٹو کائے گورہ آئی نورڑ ڈاکٹری رجیاؤ موڑی پشیاؤ۔ آپہ دیزوجی دٹو کائے پوجھو روغ بلو۔ سنس ڈاکٹری رجاؤ موڑوجی عمل تھینس۔ مذا مداجی بال اسپتال ہری کور سے سووئیں سنینس۔



گوڑی

اوستازی لئی آرام گی بالوڑ جیل گہ جیلے فاندو موڑی پشیاؤ۔ بالیس تصور گی موٹس کون دینٹس۔ اپی شباچی اوستازی کھوجاؤ تھوس مُتہ جو جو تھیر جیلے ولینٹ؟ ”۔
اک بالی رجاؤ۔ ” اوستاز صاحب بنیس جیلوچی گگجھیلی گہ میوائے ولوٹس۔
آئے رزی بال بیٹو۔ اوستازی بالوڑ رجاؤ۔


” جیلے بنیس لے قسمو گوڑی نکھلون گہ ولوٹس۔ کوئی بازار دہ ملی دوٹس، کوئی مال گہ منوڑو داروئے کریا کموٹس۔ اک شل گہ چربو مُتہ، گوڑی، پٹ گہ چھرتہ ادینہ چہ کھائیں بنیس ادی کموٹس۔ بُش ادیو گہ لے بن کھائیں منوڑے فاندہ دہ تچن۔ مُیال، مُشک بالہ، شنگوئے، چکنی، نمریو گہ گگجھیلی بازار دہ ملی بوجن۔
جک سہ گگجھیلی گہ گوڑی ملی دے لے لے روپیے تھین۔ لا قسمو شائے بنیس جیلے حاصل تھوٹس۔ انسانے فاندائے کریا خودیو لا تھیری زنگل دہ پاندا تھاون۔ آئے انسانے مرضی فی چہ سنیں سوری مجی بڑے یا رگو عمرے کریا احتیاط گی کمیو بوجے۔ نخریس رزنن چہ ابون اوڑی گی تولے سرہ نہ بنی۔



بَنے لیو اے

” تھوڑ کچا بَنے لیوؤ توئی ایسٹن؟ “ - اوستازی اک بال کچی کھوجاؤ۔
 ” کل ، شرأ ، روتز ، دیں ، نیلو دیں ، کٹو اچھ ، لھیلو اچھ ، کو راں ، کرپشو ، موکو
 شو موکو ، ٹھشوٹو ، روکھولی “۔

” شاباش “ - اوستازی بالڑ رجاؤ۔ بال توئی زائی وہ بیٹو۔ ” اے سب لیو اے جیل
 گہ کھوڑ بین۔ ہر لیو اے بیا کے توئی توئی زائی بی۔ کوئی لیو اے لھاتی زیوڑ بیانو ، کوئی
 اٹھالی زیوڑ بیانو۔ ہر لیو اے توئی توئی خوراک بی۔ لیو اے اسہ وِخ بوجیش توئی
 توئی زیوڑ بین کرہ بوجیش یا تو درو خیش درو دے نہ بڑین یا سٹیں بیا کے زائی
 تباہ نہ بی۔ اٹھ مشہور لیو اے بڑیجن۔ گلے اک بڑ روم وہ جگا کلے درو دون اکے
 بن تھیکان۔ اٹھ لیوؤ پھراؤ لہائی۔ حدجی لی درو گی لیو اے بڑیجن۔ اش بینہ لا
 جک سہ منگ گہ لیوؤ حفاظتے کریا کوم تھین۔ لیکن اصل حفاظت تے بیہ چہ
 زئے جک سہ منگ گہ لیوؤ امن دیں۔



جیلے میوئے گہ شائے

مدرسائے بالئیں اکو مچی رزنس چہ جیلو جی متہ جو فاندائے بینن بو۔ اک بالی کھوجاؤ
 ”اوستار صاحب جیلو جی متہ جو جو فاندہ بینن۔“

اوستازی رجاؤ چہ خدیو انسانے کریا جیل وہ قسم قسمے شائے گہ میوئے پاندا
 تھاؤن۔ جیلوڑ قدرتی میوؤ مٹھ پاندا بینن۔ باغوڑ جک سہ اکے اٹے مٹھ سسینن۔
 لیکن جیل وہ قدرتی مٹھ اسہ وخ بوجیش پاندا میوؤ بوجن کرہ بوجیش جیل دوچی
 تباہ نہ بی، دے نیں۔

جیلجی بیس رچ، جگلو، ٹوندل، شینھل، گورہ، مک برہ، شینگوئے،
 چھسو، شگلو، دنوں، پھگونی، ہرزہ، کھکے گہ متہ لا قسمو میوئے ولوٹس۔ کچا
 میوئے گہ تھری خدیو منگ گہ لیوؤ کریا پاندا تھاؤن۔

میوؤ جی علاوہ بیس لا قسمو شائے گہ جیلو جی ولوٹس۔ کچی، رکالی، گکیو، چکی،
 چھوچھو، رین، جومی، مراڑو، رٹشا، کنڈیرو، کوڑو جیلو جی تھے ولوٹس۔ آہنو مچی لا
 شائے بیس شورے یون بدوٹس۔ بازار نہ ملی زیوڑ ادا شوچی بڑی تگیار بینن۔
 والو کہ بیکوڑ بیس الوئے تھوٹس۔ لے زیوڑ جک سہ کھس یو گہ گوم تھینس۔




مٹھو کنہ ضرور ڏيندو

انسان گه ماڻه تڪيار اڙڪي گه جيلجي ٻئي۔ مٺه گه توڙيس اڙڪي دوڙيون گه چس
 بونجي رهنن۔ موس ملي تو لو نوخصان نه ڀنڊو۔ ضرور ڏي ٿو لا ڇري جيلجي حاصل
 ٻين۔ مال گه مڙوڙي رغن جيلجي ٻئي۔ جيل آمدني زريعه گه ٻنڊو۔ جيلجي صرف
 ٻيڙي روپيو خير مانو بلڪه مٺه لا خيري هڻين۔ آئي خير ڪهائين اسوڙليل نه ڀنڊو
 اصل ده آس رغن صوبون۔ آئي خير اسه وڃ بوجش هڻينو ڪا بوجش جيل رادو
 گه محفوظ پھت ٿي۔ ڪهائين روم ده جيل نش اسدي جک هر ڇري محرومن۔ جيلجي
 شلو حسابجي فائدائ ائين۔ ڪهائين زائي ده جيل گه مٺه نه ٻين اسدي مال مهيه
 نه رهنجن۔ مٺه لا بون گي فصل ڪريا وڙي کم نه ڀنڊو۔ فصل سم ڀنڊو۔ ڏوڙا اٻس نه
 ٻئي۔ سم نه دوڙي ڏون گه دهون ڪاڻو ڪمتيا نه ٻئي۔ مال مڙوڙي تڪيار
 هسان ٻئي۔

هر مڙوڙ پڪارن چه سڀس آئي س ساق ساق ميوو مٺه گه سڀي۔ اٽه ميوو
 ڪون گه ملي ڏون گي روپيو صوبون سنجاني۔ صحت سم ٻئي۔ پھر مڙوڙوس همشه اي
 وخت ڪريا جو نه جو تڪر سڀينو۔ اٽه هر اي نسل يا نجي ڪريا ڪريپ پھت ٻئي۔



بئیس گوری دوٹس۔ جُرائے، جُمتہ، یوٹرہ گہ، سیو کریا جیلجی کاٹھہ ولوٹس۔ دہوئے
 کاٹھہ گہ بئیس جیلجی ولوٹس۔ اسوجی روپیے نہ بو جٹن۔ آئے سے آئے وجانی چہ جیلجی
 اسے تومان۔ اسے تو مو جیل نہ بلو تو بئیس بازربجی کاٹھہ اٹے کرہ گہ گوری نہ
 دو بوٹس۔ بازار دہ اک فٹ کاٹھو لے چار شل روپیوڑ ہشینو۔ بئیس دبو یو پیو روپیو
 ملی دوٹس۔ آئے سچی معلوم بنی چہ کچا کاٹھہ گی بئیس اک گوس دو بوٹس۔ گوری
 دو نے کاٹھوجی علاوہ بئیس دوٹے، ہل، چھپورہ، تانگہ، پھلہ، یوں گہ مٹہ شل قسمو کریا
 کاٹھو کموٹس۔ ہخیرئیس رزن چہ کھائیں تیز کھن دہ ینو سنیے قدر نہ بنی۔ جیلجی
 آمدن ہٹے روپیو جی بنی۔ لیکن ہٹے آئے طریقہ دہ ہورجی لو کاٹھو چالی سنون
 دہ اُس ینو۔ اک مٹھو دو یجو تو اسوڑ مٹھے جو موکو یا چر موکو باکو روپیے ہشین۔
 اتھہ جیل لو دو یجانو۔ فائدہ کم ہشینو۔ آئے سے کریا جکوڑ ہٹے طریقہ بدل تھے اڈو
 طریقہ جاری تھون پکارن کھائیں گی جیلجی حفاظت گہ آمدن لی بی۔ اتھہ جیل اپو
 دو یجو۔ جکوڑ آمدن لی گہ رگو وچ بو جٹش ہشوائی۔



کدو ووی پیون پکارن

وئی دہ اش بیلہ پیونے کریا صاف ووی ہشون اک مسلائی۔ ہر زائی دہ ووی جو نہ جو وجہ گی انسانے صرتے کریا نوخصانیون۔ صرف اٹھو ووی صاف کلیجانو۔
اش بیلہ فصل، مٹھ، کاخانور کہ متی زیوڑ قسم قسمی موزی واروئے کہ پوڑی استعمال تھونے وجہ گی کیمیائی مادائے ووی دہ ٹل پیو بوجن سنیں اثر کرہ کہ نہ بڑیجانی۔ اٹھ ائے مادائے زمین کہ ووی دہ ست دوبار ٹل بین کھائیں منورے صرتے کریا زہارجی کم نان۔

کوئی زیوڑ ادا واروئے نہ بین مگر کچا متی وجوہات بین۔ مثلاً جک سے بھاری، یب یا ادو روکھے ووی بین کھائیں پاک نہ پینو۔

یہ ووی پیون گی ڈیرڈ سم کہ کماہ بوجن۔ روکھوڑ جک سے پوچہ موڑن، مال سے گہائے تھین کہ ووی پین۔ ائے وجہ گی ادی زیو ووی انسانے کریا غورہ نانو۔
ادی زائی چہ کدی بالکل صاف ووی نہ ہنشی اسدی ووی = مٹھو سم شان گی تیے بری اٹون پکارن اسدیو پتو چھانو جری پیون پکارن۔ صاف ووی خدے پاکے نعمتن۔ توئی توئی زیوڑ ووی صاف رچھون پکارن۔ کرہ کہ اٹھ دہ گن تیز پھل تھون پکار نانو۔

بالو حفاظت

اش بنیہ دُنیا ہر زائی وہ بالوڑ حفاظتے سووئیں سئیون لئی ضروری کیجانی۔ حفاظتی سووئیں گی لیکھ بالوڑ دُولو، سُرْمَی، ٹی بی، اوشی گہ چھائے مرض سے حملہ نہ تھین۔
دُنیا وہ نجوڑتیآگی بالو مریوئے تعداد لئی گھٹن۔ آئے سے وجہ لیکھ بالو مناسب حفاظت، مناسب خوراک نہ ہون گہ قسم قسمے نجوڑتیو رزن۔ اک خاص وجہ آئے گہ ہئی چہ لا جک سے بالڑ سئیے عمرے مناسبی خوراک نہ دین۔ بال لیکھو پینو سئیڑ ادنی خوراک دین کھائیں بال سے مہضم نہ تھوبانو۔ آئے وجہ گی بالے ڈیرے کرٹ گہ پیش پین۔ کوئی ول وہ بالے خوراک صاف نہ پین۔ کوئی وِخ وہ دم دارو نہ ہونے وجہ گی بال کمزوریو بوجانو۔ کرہ بالڑ چھائے مرض پین سئیے وِخ وہ کھرہ غور نہ پین۔ کرہ بالڑ دُت گہ خوراک دون وہ ہتی صاف نہ تھینجن کھائیں سے وجہ گی بالے خوراک وہ ادا جراثیم ٹل بین کھائیں سئیڑ لا نوخصانی بین۔

بالڑ گاؤ یا مہتے دت دوئی = مٹھو دت تپون پکارن۔ گاؤے دت وہ ادا جراثیم بین چہ سئیں ٹی بی مرض اشرین۔ دت تپون گی جراثیم مریجن۔ بالو حفاظتے کریا اش بنیہ اسپتالوڑ حفاظتی سووئیں گہ سئین۔ آئے گی بالو مرض سے بالوجی حملہ نہ تھین۔
بال خدے رختن۔ ماں مالوجی حقن چہ سئیں تومہ بال چھلو حفاظت مناسب طریقہ گی تھین۔ بالڑ گورہ پھتیلو پوٹو گہ ادو دارو نہ دون پکارن کھائیں سے استعمالے پتہ نہ بی یا استعمالے وِخ بڑیج۔ بال بڑیلو ہو سئیں جہات گہ اسکولڑ تعلیمے کریا = جیٹون پکارن۔ اسے پیغمبر سے رزانو چہ تعلیمے کریا توڑ چیر بوجون علی توگہ ہو۔ ہر مَنوڑڑ نے قسمو تعلیم ضروریہ اک اسلامی تعلیم، مٹی معاشی (مدرسائے) تعلیم، چوموگی دم داروئے تعلیم یعنی بدنی تعلیم۔

تعلیم

انسانے کریا تعلیم لی ضرور ڀنی۔ تعلیم کی مَنورَؤ بِلد ڀنوَ۔ مَسَٹو کچھو سِیانوَ۔ ماں مالو
 حق ڀنوَ۔ لکھ بڑو ادب ڀنوَ۔ دین گہ خدے حق ڀنوَ۔ تومی تکر گہ ڀنوَ۔
 پرو جانوَ۔ تعلیم یل تُو انسان سہ ای وختے کریا مَسَٹو ڀن گربانوَ۔ اک زانی مٹی زائِر
 هستیا کی بوجبانوَ۔ جگوسے مَوَس کال تھوبانوَ۔ تومو گہ تومی ٿرے دم دارو هسان گہ
 تھایبانوَ۔

تعلیم کی انسانے ہر زائی دہ عزت گہ قدر ڀنی۔ تعلیم مقصد صرف کاغزے سند اٹون
 نانہ۔ بلکہ تعلیم مقصد ادب، ہنر، لکون پڑیون، حق حقوق ڀنوَ، تومو گورے نظام
 برابر گہ سو ڀنوَ، تومی وطن حیا گہ خیر آٹون۔

اسے پیغمبر سہ رزانوَ چہ ”اگر تُوڑ علی کریا ڀنوَ گہ بوجون یل تُو بو“۔ انسانے کریا
 دینے گہ دینے تعلیم لی ضرور ڀنی چہ سَنس خدی گہ مخلوق حق سیانئیں، انصاف
 گہ عدل تھے۔ حق گہ ناحق سیانئیں۔ مَنورَؤ کریا دینے تعلیم ضرور ڀنی چہ سَنس
 تومی گہ تومی ٿرہ سہ ساتی ساتی تومی وطن کریا سوچ تھے۔ تومو دار مدار تھے خرچ
 گئے۔ مَنورَؤ کریا بدنی تعلیم ضرور ڀنی چہ سہ روح گہ بخور تیا جی پرو بے دم داروئے
 بن تھے۔ دینے تعلیم ضرور ڀنی چہ سَنس آخرتے کریا گئے تھے۔ خدی گہ مخلوق حق
 سیانئیں۔ ہر مَنورَؤ پکارن چہ سَنس تومی اولائز مَسَٹو تعلیم دے۔ اولاتے مَسَٹو تعلیم
 یل تُو ماں مالہ گہ آرام دہ بین خدے پاک گہ راضی ڀنوَ۔

پالس

پالس ضلع کوستانے پٹن تحصیلے اک سدجھو رومن۔ پالسے اک کھکڑ الہ گہ کاگان ،
 متی کھکڑ جملوٹ گہ پٹن، سوری بڑے کھکڑ کویشے رومن۔ پالسے حدودو در قدرتی
 کھونوجانی۔ کلگنے کھکڑ لیدی کنڈاؤ ، الائے کھکڑ انرر کے کنڈاؤنی ، جملوٹے در چوتھے
 بسوم ، کویشے در بیتے دار آں پٹنے در سنن۔ آئے بوٹی درو مجی پالسے رومن۔ پالسے
 تمام درو ووی پالس وہ کھرہ وزانو۔ آئے قدرتی درہ کھس وختوجی پتوڑ بدیلیانی۔
 پالسے سن کڑی وال ستی یون۔ تھہو تھیں بنی۔ جے زر فٹی اٹھالی زیوڑ لو رہن وزانو۔
 پودی بن بین۔ ہنلہ وزن۔ اٹھالی زیوڑ اخسر ہنلہ بین۔

پالس وہ یکے فصل یانو۔ زمین یوجی کومیجانو۔ سن کڑیوڑ کوئی جک سے گوم گہ
 تھین۔ چل جک سے مڑو گہ متی زیوڑ گوم گہ بیوں تھینس۔ چے اپہ جک سے
 آئے فصلی تھین۔ لا جک سے الوئے، موٹا، راکم، کلت گہ گھنار تھین۔ اک دو سے
 مولی گہ مٹاڑ گہ تھین۔ جگو عام تگیار فصل گہ جلیو جانی۔ کوئی جک سے گوڑی گہ
 نکھلین۔ اخسر جک سے مال گہ لچ رجن۔

پالس وہ ستائیں اٹھائیں زر فٹ بوجیش ڈوگہ کھوٹی گہ سنہ۔ ایشو مجی بہادر
 سیرے کھوٹی لو مشہورن۔ آسیر لاسی گلاسی گہ تھین۔ آئے کھوٹی متی کھکڑ جملوٹے
 رومن۔ کوئی ڈوگہ کھوٹی لیدی ، چوڑ ، کنڈی ، گھنجا، کنڈل، دیوان، گہ ارنی
 علاقوڑان۔ کوئی کھوٹی گہ روکھوڑ اخسر ہنلہ بین۔ کھوٹی ڈوگہ بونے و جگہ پشکال وہ
 جھڑی کم بنی۔ مون سونے اوٹھی لاجی اورڈ لی کم اینی۔

پالس وہ پاکستانی راڊو گہ قدرتی جیلن۔ سن کڑیوڙ بنی، کاو، ششو، مروج
وغیرائے جیلن۔ اوڙ پھلوڙو، چوئی، ریں، کھل، تھوئیس، چودن، منو گہ
جوڙیئے راڊو جیلن۔ آئے جیلو مچی قسم قسمی مٹھان۔ آئے جیلی موقامی جگو ملکياتن۔
جگو تکیار آئے جیلو جانی۔ مچی مچی اوی ہیر گہ بنی۔

مرو، گھنجا، توڙو، کناری، چوڙ، گدر گہ لیدی پالس مشہور مالیانی۔ وال جک مال
سے مالیوڙ بوجن۔ پلسو چس چوڙے مالیو قلانگ گہ ہرن۔

پالس وہ جی مشہور گھن۔ شریالے گاہ، نیلو گاہ آں چوڙے گاہ۔ آئے جو سبہ گھئی ٹل
بویئے سن وہ گڑ بین۔ بڑو گھیر مسائے گاہ گہ تھین۔ آئے گھوچی ازموکے کو مچن۔
وال گھئی لا لنین۔ کوئی ول وہ موس گہ بنی۔

پالس وہ دو زیوڙ سدھی سرائی۔ اک مروڈ متی کنڈل وہ۔ کنڈلے سر بڑین۔ آئے سر
دھہ جگوٹ پون گہ بوجانی۔ کوئی لیکھی سرہ مرو، لیدی گہ چوڙ دانی۔

پالس سشو وطن۔ اوی دڑمہ گہ کھوکہ منکہ آبادن۔ دڑمہ گہ کھوکہ منکہ کولی گہ
جگوٹ دگہ آبادن۔ آئے سشو بڑی قومانی۔ اوی لیشکن گہ کمین گہ آبادن۔ یوچی علاوہ
سر خلیان، گجری، شموگہ، اخوندائے، اکھری گہ جو لو ٹبرہ گہ بنی۔

پالس جبر سٹیا تھین۔ چھلاس، استور، دریل، تگر، گلت، نگر، پنیال، گریز گہ متہ
لا روموڙ سٹیا جب (ژپ) رزیجانی۔ اخسر رومو لھو مچی اپو اپو فرقن مگر کوٹ اکن۔

پالس جک سہ تومی محنت تھین۔ نماز روزائے سخ پابن۔ تومی ضرورت لیارن نان۔
سادہ عمر لکین۔ ہر منوڙو برابر گھنن۔ ہر منوڙوس زمین کومانو۔ مال رچھانو۔

بئیں آتھہ کلونس

اک۔ دو۔ ے۔ چار۔ پوش۔ سہ۔ ست۔ انٹس۔ ناؤں۔ دائے۔ اکائے۔ بائے۔ چوئے۔
چھوئندے۔ پنزیلے۔ شوئیں۔ ستائیں۔ انٹائیں۔ اکئی۔ بی۔

بہیو اک۔ بہیو دو۔ بہیو ے۔ بہیو چار۔ بہیو پوش۔ بہیو سہ۔ بہیو ست۔ بہیو انٹس۔ بہیو ناؤں۔
بہیو دائے۔ بہیو اکائے۔ بہیو بائے۔ بہیو چوئے۔ بہیو چھوئندے۔ بہیو پنزیلے۔ بہیو شوئیں۔ بہیو
ستائیں۔ بہیو انٹائیں۔ بہیو اکئی۔ دبو۔

دبو گہ اک۔ دبو گہ دو۔ دبو گہ ے۔ دبو گہ چار۔ دبو گہ پوش۔ دبو گہ سہ۔ دبو گہ ست۔ دبو گہ
انٹس۔ دبو گہ ناؤں۔ دبو گہ دائے۔ دبو گہ اکائے۔ دبو گہ بائے۔ دبو گہ چوئے۔ دبو گہ
چھوئندے۔ دبو گہ پنزیلے۔ دبو گہ شوئیں۔ دبو گہ ستائیں۔ دبو گہ انٹائیں۔ دبو گہ اکئی۔ چوبیو۔
چوبیو گہ اک۔ چوبیو گہ دو۔ چوبیو گہ ے۔ چوبیو گہ چار۔ چوبیو گہ پوش۔ چوبیو گہ سہ۔ چوبیو گہ
ست۔ چوبیو گہ انٹس۔ چوبیو گہ ناؤں۔ چوبیو گہ دائے۔ چوبیو گہ اکائے۔ چوبیو گہ بائے۔ چوبیو گہ
چوئے۔ چوبیو گہ چھوئندے۔ چوبیو گہ پنزیلے۔ چوبیو گہ شوئیں۔ چوبیو گہ ستائیں۔ چوبیو گہ
انٹائیں۔ چوبیو گہ اکئی۔ چربیو۔

چربیو گہ اک۔ چربیو گہ دو۔ چربیو گہ ے۔ چربیو گہ چار۔ چربیو گہ پوش۔ چربیو گہ سہ۔ چربیو گہ
ست۔ چربیو گہ انٹس۔ چربیو گہ ناؤں۔ چربیو گہ دائے۔ چربیو گہ اکائے۔ چربیو گہ بائے۔ چربیو
گہ چوئے۔ چربیو گہ چھوئندے۔ چربیو گہ پنزیلے۔ چربیو گہ شوئیں۔ چربیو گہ ستائیں۔ چربیو گہ
انٹائیں۔ چربیو گہ اکئی۔ شل۔

شل گہ دائے۔ سہ بیو۔ سہ بیو گہ دائے۔ ست بیو۔ ست بیو گہ دائے۔ انٹس بیو۔ انٹس بیو گہ
دائے۔ ناؤں بیو۔ ناؤں بیو گہ دائے۔ دوشل۔ اک زر۔ دوزر۔ دائے زر۔ اک لک۔ دائے لک۔